



## **CONVENIO MARCO DE COLABORACIÓN ENTRE A UNIVERSIDADE DE SANTIAGO DE COMPOSTELA E O CONCELLO DE CAMARIÑAS**

Santiago de Compostela, 24 de marzo de 2017

### **COMPARECEN**

Dunha parte, o Sr. D. Juan Manuel Viaño Rey, Reitor da Universidade de Santiago de Compostela segundo nomeamento efectuado polo Decreto 62/2014, do 28 de maio (DOG do 4 de xuño), actuando en nome e representación da mesma en virtude dos poderes outorgados polo artigo 20 da Lei Orgánica 6/2001, do 21 de decembro de Universidades, e do artigo 82 do Decreto 14/2014, do 30 de xaneiro, polo que se aproban os Estatutos da Universidade de Santiago de Compostela, con CIF Q1518001A e sede social no Colexio de San Xerome, Praza do Obradoiro s/n, CP 15782 de Santiago de Compostela

Doutra, D. Manuel Valeriano Alonso de León, Alcalde Presidente do Concello de Camariñas, actuando en nome e representación do mesmo en virtude do art. da Lei 7/1985, de 2 de abril, reguladora das Bases de Réxime Local, con CIF P151600I, e domicilio social en Praza da Insuela 57, CP 15123, Camariñas.

### **EXPOÑEN**

**PRIMEIRO.-** Que a USC é unha entidade de dereito público que desenvolve actividades de formación, investigación e desenvolvemento científico e tecnolóxico, interesada en colaborar cos sectores socioeconómicos para asegurar un dos fins da formación e a investigación, que é a innovación e a modernización do sistema produtivo.

**SEGUNDO.-** Que, segundo o artigo 4 dos Estatutos da USC, para o mellor desenvolvemento das súas funcións, a Universidade de Santiago de Compostela propiciará o establecemento de relacóns con outras Universidades, organizacóns e institucións, moi en particular coas de carácter académico, científico e cultural.

**TERCEIRO.-** Que «EcoLab.gal – Laboratorio Galego de Ecocrítica» é un colectivo interdisciplinario de investigadores en rede que traballan baixo a imaxe común de EcoLab.gal para xerar un espazo de investigación que busca:

- Apoiar o traballo interdisciplinario desenvolvido polos investigadores adscritos (véxase listaxe no Apéndice);
- Introducir este tipo de contidos no ensino de grao e mestrado (xa está en marcha dende 2016-2017 a materia de grao G5041611);

- Formar novas promocións de especialistas en sostibilidade;
- Investigar historias medioambientais a través de contextos disciplinarios, académicos e culturais;
- Desenvolver colaboracións con organismos públicos e privados;
- Colaborar con artistas, comunidades e empresas para crear campañas medioambientais estratéxicas;
- Concursar a fontes de financiación de organismos públicos e privados.

**CUARTO.-** Que o Concello de Camariñas é propietario do Museo Man de Camelle o cal ten como obxectivo, entreoutros, o de xestionar, conservar e difundir o legado de Manfred Gnädinger.

**CUARTO.-** Que tanto o Concello de Camariñas como a USC están de acordo en establecer unha colaboración nos eidos de interese común, para o que

## CONVEÑEN

Estreitar as súas relacións, xuntar esforzos e establecer normas amplas de actuación que canalicen e incrementen, dentro dun marco preestablecido, os contactos e colaboracións de acordo coas seguintes

## CLÁUSULAS

### PRIMEIRA.- FINALIDADE DO ACORDO MARCO

O obxecto deste acordo é o establecemento dun marco de actuación para a colaboración entre a USC, a través do EcoLab.gal – Laboratorio Galego de Ecocrítica e o Museo de Man en actividades culturais, científicas, pedagóxicas, de investigación e outras que sexan de interese para as dúas partes.

### SEGUNDA.- MODALIDADES DE COLABORACIÓN

- Execución de proxectos e programas de investigación e desenvolvemento, a realizar entre EcoLab.gal – Laboratorio Galego de Ecocrítica da USC e do Museo de Man.
- Cooperación en programas de formación de persoal investigador e técnico.
- Asesoramento mutuo en cuestións relacionadas coa actividade das dúas entidades.
- Organización e execución de actividades comúns relacionadas coa promoción social da investigación, a docencia e o desenvolvemento tecnolóxico.
- Cantas outras sexan consideradas de interese mutuo, dentro das dispoñibilidades das partes e das actividades que constitúen o obxecto do presente Acordo Marco.

### **TERCEIRA.- NORMAS DE COLABORACIÓN**

As colaboracións derivadas deste Acordo Marco quedarán sometidas ás normas aquí indicadas, á lexislación vixente, á normativa interna de cada institución e a aquellas que se acorden para cada un dos Convenios Específicos, tendo en conta a natureza da colaboración e o centro onde se realice o traballo.

Non se poderá realizar ningún proxecto ou programa de actuación sen estar, previamente, definido e regulado nun Convenio Específico.

Os acordos específicos que se realicen, vinculados a este Convenio Marco, deberán ser aprobados polos órganos de goberno das dúas institucións e asinados polos seus representantes legais.

### **CUARTA.- CONTIDO DOS CONVENIOS ESPECÍFICOS**

Cada proxecto e/ou programa de actuación no marco deste Acordo será obxecto dun Convenio Específico que deberá conter, entroutros, os seguintes aspectos:

- Definición do obxectivo que se persegue.
- Descripción do plan de trabalho, que incluirá as súas distintas fases e a cronoloxía do seu desenvolvemento.
- Presuposto total e medios materiais e humanos que requira o citado programa, especificando as achegas de cada entidade.
- Normas para a coordinación, execución e seguimento do proxecto.
- Normas sobre confidencialidade, propiedade industrial, publicación e explotación de resultados obtidos no desenvolvemento do proxecto, no suposto de programas de investigación.
- Nomes das persoas, unha por cada parte, que se designarán por mutuo acordo e se responsabilizarán da marcha do Convenio.

### **QUINTA.- ESTABLECIMENTO DA COMISIÓN MIXTA**

Para facilitar a elaboración dos Convenios Específicos, o seu seguimento e cumprimento, constituirase unha Comisión Mixta integrada por:

- § A Vicerreitora de Investigación e Innovación, ou persoa en quen delegue, en representación da USC.
- § César Domínguez Prieto, en representación de EcoLab.gal — Laboratorio Galego de Ecocrítica.
- § Juan Carlos Canosa Marcote, concelleiro, en representación do Concello de Camariñas.
- § Andrea Serodio Domínguez, coordinadora técnica, como enlace do Museo Man de Camelle.

A Comisión Mixta ditará as súas normas internas de funcionamento, debéndose reunir cando o solicite algunha das partes.



## **SEXTA.- FUNCIONAMENTO DA COMISIÓN MIXTA**

Á Comisión Mixta correspóndenlle, entroutras, as seguintes funcións:

- Propor posibilidades de colaboración en temas de interese común.
- Preparar os Convenios Específicos de execución do presente Acordo Marco sobre as materias seleccionadas, dentro das modalidades de colaboración establecidas na cláusula segunda.
- Elevar as propostas que elabore aos órganos competentes das dúas partes.
- Realizar o seguimento dos Convenios Específicos que se subscriban, así como clarexar e decidir cantas dúbidas poidan xurdir na súa interpretación e execución.

## **SÉTIMA.- PERSOAL**

No marco deste convenio, tanto a USC como o Concello de Camariñas poderán autorizar ao seu persoal para que realice estancias na outra entidade, sen que iso supoña ningunha alteración na relación xurídica do persoal con cada unha das partes, asumindo a súa remuneración e demais obrigas civís e sociais a entidade de orixe. Este persoal estará obrigado, nese caso, a cumplir coas normas que rexan no centro de destino. As anteditas estancias constituirán unha misión laboral ou profesional.

## **OITAVA.- EQUIPAMENTO**

Os bens aportados por unha parte nun proxecto común serán sempre da súa propiedade. A propiedade de bens inmóveis ou equipos adquiridos ou construídos no marco dun proxecto común determinarase, en cada caso, no Convenio Específico correspondente.

## **NOVENA.- FINANCIAMENTO**

A subscrición do presente acordo marco non comporta obrigas económicas para ningunha das partes. Para a realización das diferentes actividades estipularase a contribución económica coa que, dentro das súas dispoñibilidades, cada Institución poida participar. Así mesmo, xestionarán convxuntamente a captación de recursos doutras entidades.

## **DÉCIMA.- CONFIDENCIALIDADE E PUBLICACIÓN DE RESULTADOS**

Cada unha das partes comprométense a non difundir, baixo ningún concepto, a informacións científicas ou técnicas (Información) pertencentes á outra parte ás que poida ter acceso no desenvolvemento do presente Acordo Marco e na definición e preparación dos proxectos asociados aos Convenios Específicos a subscribir, sempre que esas informacións non sexan de dominio público.

Neste senso, a parte receptora da citada Información manterá en confidencialidade e estrito segredo, e evitará revelala a calquera, fóra daqueles empregados autorizados e soamente naqueles temas necesarios para o obxecto deste Acordo. En calquera caso, cada parte deberá, previamente, conseguir dos citados empregados un compromiso

co fin de manter o segredo e exercer todos os esforzos razonables para reforzar ese compromiso.

#### **UNDÉCIMA.- PROPIEDADE INTELECTUAL E INDUSTRIAL**

Toda a Información revelada aos efectos do presente Acordo será propiedade exclusiva da parte que a xerou. Ningunha licencia ou similar se poderá considerar derivada do intercambio de Información dunha parte cara á outra. Igualmente, ningunha parte utilizará a Información da outra no seu propio beneficio.

O réxime de propiedade e xestión dos resultados derivados dos proxectos desenvolvidos no marco das actuacíons asociadas a este Acordo ou outros acordos específicos, será establecido en cada caso e dentro do convenio previo ao que se refire a Cláusula Cuarta.

#### **DUODÉCIMA.- ENTRADA EN VIGOR E DURACIÓN**

O presente Acordo Marco entrará en vigor no momento da súa sinatura e a súa vixencia será de 2 anos, renovables por períodos iguais por acordo tácito.

#### **DECIMOTERCEIRA.- MODIFICACIÓN E RESCISIÓN**

As partes poderán modificar ou denunciar o presente documento en calquera momento por mutuo acordo. Calquera delas poderá, á súa vez, denunciar o acordo comunicándoo por escrito á outra parte con 3 meses de antelación á data na que o vaia dar por rematado. Nos dous casos deberanxe rematar as tarefas dos Convenios Específicos que estean vixentes.

#### **DECIMOCUARTA.- XURISDICCIÓN**

O Concello de Camariñas e a USC comprométense a resolver de xeito amigable calquera desacordo que poida xurdir no desenvolvemento do presente acordo.

No seu caso, as partes someterán as diverxencias que se puideran presentar en orde á interpretación ou cumprimento do presente Convenio aos Xulgados da orde xurisdiccional do contencioso-administrativo, dado o carácter público da USC e do Concello de Camariñas.

E, en proba de conformidade con canto antecede, asinan no lugar e data indicados.


Pola Universidade de Santiago de Compostela



Juan Víaño Rey

Polo Concello de Camariñas

O ALCALDE



Manuel Valeriano Alonso de León

**Apéndice: Listaxe de investigadores membros do colectivo interdisciplinario EcoLab.gal – Laboratorio Galego de Ecocritica**

Áreas de coñecemento	Investigadores
1. Antropoloxía social	1. Freire Paz, Elena 2. Herrero Pérez, Nieves
2. Botánica	3. Aira Rodríguez, María Jesús 4. Díaz Varela, Ramón Alberto
3. Ecoloxía	5. Aboal Viñas, Jesús R. 6. Carral Vilariño, Emilio 7. Vázquez Castro, María Dolores
4. Economía aplicada	8. Xoán Ramón Doldán García
5. Edafoloxía e Química agrícola	9. Pontevedra Pombal, Xabier
6. Didáctica das ciencias experimentais	10. Jiménez Aleixandre, Marilar
7. Didáctica da Lingua e a Literatura	11. López Sández, María
8. Filoloxía alemá	12. Gómez Pato, Rosa Marta
9. Filoloxía inglesa	13. Palacios González, Manuela
10. Filoloxías galega e portuguesa	14. Nogueira Pereria, María Xesús 15. Torres Feijó, Elías
11. Filosofía	16. Rodríguez Alonso, Guillermo
12. Filosofía moral	17. Agra Romero, María Xosé 18. García Soto, Luís Modesto
13. Historia antigua	19. García Quintela, Marco Virgilio
14. Historia contemporánea	20. Fernández Prieto, Lourenzo
15. Lingüística xeral	21. Moure Pereiro, Teresa
16. Producción vexetal	22. Pereira-Lorenzo, Santiago 23. Rodríguez Soalleiro, Roque
17. Teoría da literatura e Literatura comparada	24. Casas Vales, Arturo 25. Domínguez Prieto, César 26. Vilaríño Picos, Mª Teresa
18. Teoría e Historia da educación	27. Gradaílle Pernas, Rita 28. Longueira Matos, Silvana
19. Zooloxía	29. Besteiro Rodríguez, María Celia 30. Cobo Gradín, Fernando 31. Domínguez Conde, Jesús

